

# Ts'eet'at ejidhahk'àn' ekhè' uujinuu lèe niindhanh?



## NWT gwizhìt ts'eet'at ekhè' tr'oonuu geenjit goo'aii gwits'àt ginjikhìh!

### Nits'àt tr'ihidandal geenjit zhat t'iidich'uh.

NWT gwizhìt ts'eet'at ekhè' tr'oonuu geenjit goo'aii danh gwitr'it t'agwah'in kat jii geenjit gahgidandaii ts'àt geenjit gwiinzii nikhwits'àt gigitteekhyaa guuts'àt ginjikhìh. Jùudài' neenjit ezhik t'igiinch'uh gòò' juudin at'iiniindhan kat chan nicotine ekhè' gehdeenjaa niindhan chan guuveenjit ezhik t'igiinch'uh.

 **1-866-286-5099**

NWT gwizhìt ts'eet'at ekhè' tr'oonuu geenjit goo'aii drin ihlak zhìt 24 hours gahshùk ts'àt drin k'ideetak gwidrin ets'iteech'ii neekaii diyeenjit ezhik t'igiinch'uh. Gwits'àt tr'igijkhii dòi' uu'òk kat duuyeh gahgiheedandaih

### Diits'àt Tr'iinjii jùu digiinch'uh:



nits'òo srìi tr'igwiheendaii geenjit diits'àt tr'igiinjii gahgidandaii ts'àt ejich'ii t'atr'ijahch'uu ekhè' tr'oohideenjaa geenjit diits'àt tr'igiinjih



shù' nicotine ekhè' tr'oonuu dòi' jidii gw'agoondaii diits'àt tr'iheendal geenjit duuulèh diiyah gugwaandak



ts'eet'at geenjit jidii gahiindandaii niindhan geenjit nyàh gugwahaandak



nits'òo ts'eet'at ekhe' uuhidiinjaa geenjit tr'iilee hiinlyaa geenjit nits'àt tr'igiheendał



nits'àt tr'iinjii niindhan dòi' nits'àt tr'igiheendal geenjit nits'ee gigitteekhyah

Government of  
Northwest Territories



**Nijùk dòi' niindhan**  
**ts'àt jidii guginjik**  
**niindhan zhìt**  
**guuts'àt ginjikhìh**

NWT gwizhìt ts'eet'at ekhè' tr'oonuu geenjit goo'aii gw'ehdich'ii' 1-866-286-5099 diinch'uh, diits'àt tr'iinjii ahdandaii kat 24/7 diyeenjit ezhik t'igiinch'uh.

Nits'àt tr'igiinjii kat duuleh Uunjìt k'yuu gòò French k'yuu zhìt nikhwits'àt ginjikhìh. Aii geeghee ts'àt duuleh NWT gwizhìt diiginjik nihlinehch'i' gwizhìt neenjit tehtè'gehdeelyaa niindhan jì' geenjit duuleh guujàkat.